



Aningaasaqarnermut Akileraartarnermullu Ataatsimiititaliaq
Maani

UKA 2020/19 – Ataatsimiititaliap apeqqutaanut akissut

Matumuuna Aningaasaqarnermut Akileraartarnermullu Ataatsimiititaliap allakkatigut apeqquai 26. oktober 2020-meersut akineqarput.

Apeqqut 1

Ileqqaarnissamut pisussaaffik ima aalajangersarneqarpat matussutissaq qanoq annertutigisoq pissarsiarineqassava (suliunnaanginnermi isertitanut sanilliullugu soraarningornermi isertitat pisortanit utoqqalinermi pensionisiat ilanngullugit):

- a. A-nit aamma B-nit isertitanit akiliutit 6 %-iuppata, 7 %-iuppata, 8 %-iuppata aamma 9 %-iuppata?
- b. Inuussutissarsiummik suliaqarnermi sinneqartoorutinit akileraarutaasussanit akiliutit 4 %-iuppata, 5 %-iuppata, 6 %-iuppata?
- c. Matussutissat siuliani allassimasut soraarningornissamut naammattunik ileqqaarnissamut tunngavissisinnaasutut Naalakkersuisunit nalilerneqarpat?

Akissut:

a-mut b-mullu




Tulliuttuni Inatsisartut inatsisaata saqqummiunneqarnerani tunngavigisat assingi aallaavigineqarput:




- Piffissami soraarnerussutisiaqalernissamut malittarisassat atuuttut
- Innuttaasoq kisermaa qkiut 25-ni ulloq naallugu suliffeqartutut suliffimminit isertitalik ileqqaagaqartorlu
- Soraarnertut ukiuni 15-ini inuusussatut missingerneqartooq
- Ileqqaakkat erniavii 2 %-imut inissinneqarput iluanaarutillu 15,3 %-imut inissinneqarlutik

Takussutissiat tulliuttuni procentit ileqqaakkat assigiinngitsuni (4-9) sulinermi isertitanut assigiinngitsunut pingasunut sanilliullugu (akit aalajangersimasut) matussusiissutit annertussusaat takutinneqarput. Isertitat sulinermit aningaasarsianeersut namminersortutulluunniit suliffeqarfimmit sinneqartoorutaanersut isiginiarneqanngillat, taakku matussusiissutit annertussusaannut sunniuteqanngimmata.

Brevdato: 27-10-2020
Sags nr. 2020 - 2900
Akt id. 15211120

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl





Isertitat appasinnerpaani matussusiissut 100 %-imit annerusoq takussutissiap takutippaa. Tamanna ataatsimut isertitani soraarnerussutisiat annertoourujussuunerannik ataqatigiiffeqarpoq. Innuttaasut 67-ileereersimasut ilaatigut soraarnerussutisianut pitsannguutit malitsigisaannik kiisalu tunngavissaritit siuliani taaneqartut malillugit soraarninngornerminni isertitanik annikitsumik qaffariaateqalaassapput. Taamaammat eqimattanut taakkununga sanilliullugu ileqqaagassatut anguniakkap 10 allanngortinnissaa pisariaqarsorinangilaq.

Taamattaaq akunnattumik isertitalinnut tunngatillugu ileqqaagassatut %-ip 9-miinnera kissaatiginartut ataaniilaartoq takussutissiami takutinneqarpoq. Soraarnerussutisiaqarnermut tunngasuni 70 %-imik matussusiineq akuersaarnartut kiisalu 80 %-i kissaatiginarsorinarpoq. Akunnattumilli isertitalit ukiut 25-nit sivisunerusumik sulisarlutillu ileqqaartarnerat ilimagineqarpoq, taamaammallu eqimattanut taakkununga matussusiissutit takussutissiami takuneqarsinnaasunit qaffasinnerunissaat ilimagisariaqarpoq. Taamaammat eqimattanut tassunga tunngatillugu ileqqaarutissatut 10 %-imik anguniagaqarnerup allanngortinnissaa pisariaqarsorinangilaq.

Sulinermi isertitat qaffasinnerpaat 70 %-imik annertunermilluunniit matussutissaqassappata 9 %-imit qaffasinnerusumik ileqqaagaqassapput. Apeqqut tamanna isumaqatigiissutit il.il. namminerlu piumassuseq naapertorlugu sipaagaqarnikkut naapertuunnerpaamik aaqqiivigineqarsinnaavoq.

c-mut

Namminersorlutik inuussutissarsiortunut 6 %-imik aningaasarsiaqarlutillu suliffeqartunut 10 %-imik ileqqaarusiinissamik anguniagaq agguaqatigiissillugu naapertuuttumik matussusiissasoq ataatsimut naliliutigineqarpoq.

Apeqqut 2

Siunnersuummi matumani isertitanut killigitat 100.000 kr.-init 150.000 kr.-inut allanngortinneqarnerat taamaalillunilu ileqqaarnissamut akigitap assigiimmik qaffakkiartuaarnissaata peerneqarnera qanoq kinguneqassava?

a. Tamatumani inuit qassit pineqarpat?

Akissut:

2019-imi innuttaasut 3.716-it 100.000 150.000 kr.-llu akornanni illeqqaagassatut toqqammaveqarput. Taakkunanga 2.828-t ileqqaarnissamik pisussaaffitsik malippaat. Sinneruttunit innuttaasut 232-t 2.000 kr. ataallugu ileqqaagassartik naammassinngilaat.

100.000 kr.-nit 150.000 kr.-nut atuutilersitsiartornerup maanna ingerlasup tassangaannartumik ikaarsaartoqannginnissaa qulakkiissavaa, taamaalilluni innuttaasut assersuutigalugu 149.999 kr.-nik isertitaqartut soraarnerussutisiaqalernissamut ilaasussaaitaanatik, akerlianillu innuttaasut 150.000 kr.-nik isertitaqartut assersuutigalugu 6 %-mik ileqqaagaqassallutik. Taamak pisoqarnerani innuttaasup 1 kr.-mik isertitaqarnerunera 9.000 kr.-nik ileqqaarnissamut pisussaaffiliissaaq.

Taamaattoqarnera innuttaasuni eqqorneqaratarsinnaasuni pissusilersornikkut annertuumik naapertuuttuunngitsumik iliuuseqalernermik kinguneqassasoq

ilimagineqartariaqarpoq. Taamaammat atuutilersitsiartornertut maanna atuuttup atorunnaarsinneqannginnissaa sakkortunerpaamik kaammattuutigineqarpoq.

Apeqqu 3

Pineqartup ukioq soraarnerussutisiaqalerfissani ukiunik sisamanik sioqqullugu soraarnerussutisiaqalernissamut aqqissuussinermut peqataasussaataaaffiusumut akiliisarnerata taamaatinneqartarnissaanut taarsiullugu inuup 60-inik ukioqalerneranarut aalajangersarneqarpat qanoq kinguneqassava?

Akissut:

Siunnersuut saqqummiunneqartumi innuttaasup 67-iliinissaa ukiunik sisamanik sioqqullugu ileqqaartussaataaaffiusumut pisussaaffiup atorunnaarnissaa siunniunneqarpoq. Tamanna innuttaasup soraarnerussutisiassanarut akilersuisarsinnaanerata aarlerinaataa naapertuuttuunnginneranik patsiseqarpoq.

2019-imi innuttaasut 60-it 62-illu akornanni ukiullit 2.376-iupput. Taakkunannga 1.572-it 99.999 kr.-t sinnerlugit isertitaqarput. Innuttaasut 60-iniit 62-inut ukiullit 1.609-t soraarnerussutisiaqalernissaminut akilersuipput, taakkunani arlallit aamma 100.000 kr.-t ataallugit isertitaqarput.

Ukiut killinginik appaaneq ingammik namminersorlutik inuussutissarsiorunut sulisartunullu isumaqatigiissutinik toqqammaveqarnani atorfinitsinneqartunut annertunermik kalluaassasoq ilimagineqartariaqarpoq.

Soraarnerussutisiaqartut akornanni aningaasatigut naligiinnginnerup annikillisarneqarnissaa, soraarnerussutisiaqalernissami aqqissuussinermut peqataasussaataaneq pillugu Inatsisartut inatsisaanni siunertanut pingaarnersanut ilaavoq. Ukiunut killigititaq assersuutigalugu 60-inut apparneqarpat minnerunngitsumik eqimattat taaneqartut marluk soraarnerussutisiarni katersai appassapput, tamatumalu soraarnerussutisiarni soraarnerussutisiaqartunut ileqqaarnerminnik nangitsisunit annikinnerusumik atugassaqaassallutik. Taamaammat taassuma allanngortinneqannginnissaa sakkortuumik kaammattuutigineqarpoq.

Inussiarnersumik inuulluaqqusillunga

Vittus Qujaukitsoq